



ᓄᑦᑲᑲᓄᑦ ᓄᑦᑲᑲᓄᑦ  
ᓄᑦᑲᑲᓄᑦ

**NUTAQQANUT INULRAMIRNULLU**  
UQAQTIKHAANIK

REPRÉSENTANT DE  
L'ENFANCE ET DE LA JEUNESSE

REPRESENTATIVE FOR  
CHILDREN AND YOUTH

Titiqivikkut Quiquta 488, Iqaluit, Nunavut, X0A 0H0 | 867-975-5090 (1-855-449-8118) | contact@rcynu.ca | www.rcynu.ca

## INUNGNUT TUHAQTIDJUTIKHAQ

### Qilamik Tuhaqtidjutikhaq

May 22, 2019

#### **Nutaqqanut Inulramirnullu Uqaqtikhaanik Havagvia tunijuq unniudjutimik uvani ihumaliqinikkut hulidjutikhanik inulrammiinnun Nunavunmiunnik**

**Iqaluit, NU** - Una Nutaqqanut Inulramiinnullu Uqaqtikhaanik Havagvia (RCYO) iniqhimaliqtun ihivriughinirmiknik uumani ihumaliqinikkut hulidjutikhainnik inulrammiinnun Nunavunmiunnun. Ublumi, ukuat RCYO-kut tuniniaqtait unniudjutitik, *Our Minds Matter (Ihumavun Hugijaujukhat): Una Inulrammiinnin-Uqautainnin Ihivriughinik Ihumaliqinikkut hulidjutikainnik inulrammiinnun Nunavunmiunnun.*

Unniudjutimi, ukuat, RCYO tunihimajut 15nik pidquidjutikhanik Nunavut Kavamatkunnun. Una unniudjuti nainaijaqhimajuqlu havagviup ihivriughinikkut havagutainnik, ilitturihimajainnik, taimaalu naunaijaqhimajait nipiit inulrammiit Nunavunmiut ihumagijainniklu qanuqtun pimmarighaqaarutikhainnik ihumaliqinikkut pidjutainnik nakuutqijanik havagutikhanik ihariagijainnun.

“Ilihimajuni ukunani Articles 24mi uvanilu 39mi uvani Nunarjuami Katimajit *Angiqatigiigutaa Pilaarutaitigut Nutaqqat*, tamaita nutaqqat inulrammiillu pidjutiqaqtut nakuujunik aanniaqtalinikkut munaridjutikhanun, ilaujullu ihumami aanniaqtalinikkut munaridjutikhanun, kavaillu ikajuqtakhait hapkuat pilaarutit” uqaqtuq Nutaqqanut Inulramiinnullu Uqaqtikhaa, Sherry McNeil-Mulak.

Piqaraluaqhuni nakuujunik piniarhimadjutikhanik havagumaqpiiaqtuniklu inungnik havaktun tuninikkut ihumakkut aanniaqtainnikut hulidjutikhanik inulrammiinnun tamaani nunaptikni, tadjajutit angummadjutingittuq pingittuqlu havagutiginikkut ihariagijainnik Nunavutit nutaqqainnun inulrammiinnunlu. “Niriulimaitavun inirutikhat aallanguqtiqtaulutik pihimaittumik havagumadjutikhanik angijunik pidjutikhanik aallanguqtiqirnikkullu qanuqtun ikajuqpaktavun ihumakkut ihariagijainnik inulrammiin Nunavunmiun,” uqaqtuq McNeil-Mulak.

Una hivulliqpaangujuq tamaiini ihivriughiniq havaktaujuq RCYO-kunnin. Tuhaumapkainikkut uqaqtaujukhani naunaijaqhimainikkut unniudjutiup tuningani piniaqtuq RCYO-kunni ublumi talvanga 9:30min 10:30mun ublaami.

-30-

Naunaittiarumaguffi:

Kim Foster

Atannguyaq Tuhaqtittiyinut Inungniklu Ilitturipkainiqmik

Uqaqtighaat Nutaqqat Inulrammiillu Havakviat

867-975-5091 | kfoster@rcynu.ca

**Talvuuna Ilauyukharnik Nuttaqqanun Inulramiingitlu Havakviangit (RCYO):** Tamna RCYOkut nanmngiyauyuq nuttaqqanun inulramiinunlu uqaqtuyuuq taima naunaiyaiyaangat Nunavut Kavamangit ikayuutikharnik munagiyaangatlu pidjutikhanik ihuaqtumiklu ihumagiyaaluaqtunik inulramiinun Nunavunmiutmi. Pulaaqlugut qaritauyalidjutikhangit uvani [www.rcynu.ca](http://www.rcynu.ca)